

臺灣文獻叢刊第八二種

# 內自訟齋文選

周

凱

蘇平社

PDG

## 弁言

省立臺北圖書館藏有內自訟齋文集，爲富陽周凱仲禮（一字芸臬）所著，是清道光庚子（道光二〇年、公曆一八四〇年）雕板印行的。全書共計十卷，分裝八冊。書首除有光澤高澍然的序文（道光一五年撰）外，還有著者自纂的年譜、吳德旋仲倫寫的周氏墓誌銘及本書參訂與校刊者姓氏。本書內容，頗爲廣汎，我們祇選其『涉及臺灣部份』整理印行，定名爲內自訟齋文選，列爲臺灣文獻叢刊第八二種。同時，我們將全書目錄連同參訂及校刊者姓氏，作爲附錄刊出，以利查考。（周憲文）

## 高序

金史周昂傳有云：文章工於外而拙於內者，可以驚四筵而不可以適獨座，可以取口稱而不可以得首肯。有味哉！其言也。又云：文以意爲主。是昂所謂內者，意而已矣。抑豈知意猶外而非內哉？古今文集，積代而繁。其績學之士，鎔經絡史，出入漢、宋二學，用其強識，通其冥思；高者入無垠，大者拓皇極，精且微者穿溟滓而補罅漏。如是以赴，其意豈讓能於韓、歐諸人哉？然卒不韓、歐諸人若也。卽刻意求肖者，視之似近，去之轉遠。人之讀之，亦止於驚四筵、取口稱而已。蓋意本內也。而書籍得助其英華，才思得供其役使，至無一語不協於道，猶之工制藝者言皆孔孟之言、道亦孔孟之道，而按諸己，其果能爲有乎？毋乃意自意而己自己乎！謂曰外而非內，豈不然乎？然則工於內者，舍養氣奚適哉！夫氣與道離之則兩絀，合之則一源。天積氣而清明，地積氣而博厚，日月積氣而光暉，四時積氣而變化。人之於文也，亦若是焉已矣。始乎六經，迄乎今作者，其間高下、淺深不可里計，然不能離氣以適道、舍四者以善氣則一也。蓋必如是，然後氣與道洽，然後道爲己有，強識與冥思至此而皆窮。夫是以謂內也。

富陽周芸皋先生，道光十年觀察吾閩，備兵泉州之廈門。十三年冬，受事大府，辱訪澍然於邸，論文，遂定交。澍然每讀先生文，未嘗不首肯，而適獨坐也。蓋今作者推

武進張皋文先生。其文體骨昌黎，神明廬陵，養氣之善者也。其門人傳其業者二人。一仁和陳君扶雅，一先生也。二人者，澍然幸皆得而友之。而扶雅之博厚，先生之清明，皆所服膺，媿未能及焉。其積之既厚，光晔溢於外，變化行於中，則二人所同。所謂舍四者無以善其氣是也。而先生方冲然自下，惟日不足，不忘不助，直養無害。覬其意念，不蘄至韓、歐以上泝六經不止。澍然其何以測之哉！屬來廈門，先生出內自訟齋文集索序，爲言之如此。至先生行已居官，力追古人，他日山居，當更撰述。玆不具。

十五年四月，光澤高澍然拜撰。

## 芸皋先生自纂年譜

乾隆四十四年，巳亥。九月十六日卯時生。

四十五年，庚子。

四十六年，辛丑。

四十七年，壬寅。十一月二十二日寅時，四弟悌生。

四十八年，癸卯。

四十九年，甲辰。年六歲，從叔父雲川先生讀。

五十年，乙巳。

五十一年，丙午。

五十二年，丁未。

五十三年，戊申。年十歲，從表姊婿王默齋先生會圖讀。

五十四年，己酉。

五十五年，庚戌。

五十六年，辛亥。

五十七年，壬子。

五十八年，癸丑。年十五歲，從季階平夫子名泰亨讀，學爲制藝小詩。

五十九年，甲寅。年十六，與從弟恆入泮，學使者李雲門先生漢所取。

六十年，乙卯。年十七，憚子居夫子敬宰富陽，教讀註疏。

嘉慶元年，丙辰。年十八，從董馭山夫子鼇讀。時，張臬文師惠言編修丁艱。

二年，丁巳。年十九，從高說巖師傅古讀。時，憚子居夫子調任江山，楊振齋夫子

鏞宰是邑。董相國師歸葬邨太夫人。十月，娶淑人羅氏。

三年，戊午。年二十，生子坤，殤。

四年，己未。年二十一，從杭城朱豈凡夫子杰習舉業。

五年，庚申。年二十二，鄉試薦而不售，房師爲卜公桐高。生子域，三歲殤。

六年，辛酉。年二十三，館於丁興忠巷丁氏。鄉試薦，師定公塤。

七年，壬戌。年二十四，館於運司公廨吳宅。

八年，癸亥。年二十五，食餼。學使文遠臬師。

九年，甲子。年二十六，生子垌。

十年，乙丑。年二十七，辭吳氏館，與從弟恆及徐地山昆弟讀書於梵天寺。又與彥

甫讀書於覺海山房。十月二十八日子時，長女生。

十一年，丙寅。年二十八，課姪於家。五月初三日巳時，長兄怡齋歿。九月二十三

日，子垆塲。

十二年，丁卯。年二十九，與韓立齋入山爲長兄覓葬地於下馬塘，訟焉。九月初二日戌時，生次女。

十三年，戊辰。年三十，六月患痢，瀕死。卿試中四十三名，座師爲周蓮塘夫子兆、李竹醉夫子振翥、房師易涪岡夫子鳳庭。十二月，偕陳扶雅計偕北上。

十四年，己巳。年三十一，寓董相國師第。會試落第。五月，與扶雅出都。臘月葬祖姑梁氏七棺於三台山之麓。正月二十八日，季女生。

十五年，庚午。年三十二。十月，謁楊振齋於海寧。時擢柳州太守，因携以入都。十二月，抵京，仍寓董相國第。

十六年，辛未。年三十三。闈後移寓溝沿上陳晴巖夫子傳經寓所。中朱壬林榜二百三十六名，改名凱，卅年三十歲。會試總裁：文華殿大學士、軍機大臣董蔗林夫子誥、癸未傳臚、富陽人。戶部尙書、翰林院曹儷奎夫子振鏞、安徽歙縣人、辛丑進士。兵部侍郎胡西庚夫子長齡、江蘇通州人、己酉狀元。內閣學士文遠臬夫子寧、滿州正藍旗人、甲辰進士、道光元年改名榦。第一房翰林院編修佟鏡堂夫子景文、漢軍鑲黃旗人、辛酉進士。知貢舉。內閣學士、榮夫子麟，滿州正藍旗人。內閣學士吳雲樵夫子芳培，安徽涇縣人、甲辰進士。四月二十一日，保和殿殿試二甲七十名進士。欽派讀卷大臣：協

辦大學士、兵部尙書劉權之雲房夫子，湖南長沙縣人，庚辰。吏部尙書、瑚圖禮笏菴夫子，滿州正白旗人，丁未。吏部尙書鄒炳泰曉屏夫子，江蘇無錫人，壬辰。禮部尙書王懿脩春圃夫子，安徽青陽人，丙戌。兵部侍郎萬承風和圃夫子，江西義寧州人，辛丑。吏部侍郎秀寧楚翹夫子，滿州正藍旗人，辛酉。工部侍郎陳希曾雪香夫子，江西新城人，癸丑探花。內閣學士江廷珍瑟菴夫子，江蘇山陽人，己丑狀元。四月二十七日，保和殿朝考一等第十名。欽派讀卷大臣：二阿哥。三阿哥。協辦大學士劉權元。吏部尙書瑚圖禮。刑部尙書金光悌蘭畦夫子，安徽英山人，庚子。戶部右侍郎、掌院學士桂芳香東夫子，滿州鑲藍旗人，己未。刑部右侍郎宋鎔悅研夫子，江蘇長州人，壬辰。兵部左侍郎萬承風。內閣學士汪廷珍。內閣學士吳芳培。五月初二日引見，改翰林院庶吉士。翰林院大教習汪瑟菴夫子、秀楚翹夫子。小教習編修汪雨原夫子潤之，浙江錢塘人，辛酉。小教習編修董小槎夫子佳敷，安徽婺源人，乙丑。大教習凱戡卿夫子音布，滿州鑲藍旗人，辛酉。九月請假回籍，與同年朱小雲壬林、趙雪門鉞、倪又鋤同書偕行，十月抵里。

十七年，壬申。年三十四。謁易涪岡師於德清縣署，與扶雅謁文遠臬師於江陰學署，復游乍浦，遇廖邵菴雲錦而歸，娶側室閔氏。

十八年，癸酉。年三十五。主剡山講席，游嵎縣。冬，與陳午橋前輩入都，寓鶴兒

衛朱小雲同年寓所。是年正月初九日，葬長兄於下馬塘。

十九年，甲戌。年三十六。正月，移寓玉極菴，與午橋同寓。三月□□日散館於□  
□乾清宮，□月□日引見圓明園，授編修。四月，移寓董相國師第。

二十年，乙亥。年三十七。冊三十四。十月三十日，先君子讓谿公在籍病故。十一月十六日，在京聞訃，匍匐歸里。

二十一年，丙子。年三十八。冊年三十五。正月初五日，到籍。時，母太夫人患乳症，就醫於杭。余時患腰疽。秋，皆癒。至漂陽訪趙寧門同年，游上海。

二十二年，丁丑。年三十九。冊年三十六。昌都轉聘閱試卷，重游上海，復游諸暨、餘姚，爲元公建祠於清波門之湖濱。十二月十六日子時，葬先君於下馬塘。

二十三年，戊寅。年四十。冊年三十七。二月十六日，服闋。廣饒使泰延閱書院卷，札都轉隆阿聘閱試卷。六月十六日，到京供職。時，有春雨聯吟詩。補國史館纂修。十月，董相國師薨，諡文恭。

二十四年，己卯。年四十一。冊年三十八。六月，移寓李公橋大翔鳳衛衛。姬人王氏至都。八月，充順天鄉試同考官，得士張酌等十九人。

二十五年，庚辰。年四十二。冊年三十九。移寓賈家衛衛。冬，移寓粉坊琉璃街。正月，納姬徐氏。

道光元年，辛巳。年四十三。冊年四十。六月，署國史館提調。九月，充恩科順天鄉試同考官，得士福靈阿等二十人。

二年，壬午。年四十四。冊年四十一。二月，以編修奉特旨召見乾清宮。是月，京察經筵院學士曹儷笙那繹堂師保列一等，初七日引見，奉旨交軍機處記名，以道府用。四月二十九日，以保列京察，復蒙召見於乾清宮。六月二十七日，奉旨補授湖北武昌府，調補遣缺。二十八日，請訓乾清宮。七月十六日，聞四弟悌在籍於六月十七日故，呈請回籍修墓。二十一日，在部科領照，程限三十八日，給假三十日。二十六日赴通州，由水路啓程。九月二十日到籍。是日，奉旨襄陽府知府員缺，着卽以周凱補授。十一月初一日，在籍奉母楊太恭人赴楚。時七十有五歲。

三年，癸未。年四十五。冊年四十二。正月十六日，抵湖北省。二月十三日辰時，接印襄陽府任事。七月二十五日丑時，子襄才生。十月，重建校士館，勸民種桑。

四年，甲申。年四十六。冊年四十三。冬十一月，制軍李鹿坪夫子列入薦章曰：周凱才具明敏，辦事振作，志期遠大，東身仍自慎持。同保者湖北荆宜施道興科、武昌府周廷、授隨州知州寶欲峻、湖南長沙府薩迎阿、永綏同知蔣紹宗、靖州知州羊拱辰、知縣漢陽耿麟、江陵黃綏誥、天門吳觀樂、江夏石照、東安托渾布、通道趙瑜、辰谿王景章。

五年，乙酉。年四十七。冊年四十四。以襄陽民情饑悍，勸設義學十八處，以敦童蒙。濬復高陽池，以廣水利。脩平城內道路及抵南陽大道。年終，李制軍鴻賓考語：襄陽府周凱明敏有爲，盡心敦養，官聲亦好。

六年，丙戌。年四十八。冊年四十五。元旦，由郿赴省，送李制軍入覲。制軍將辦理義學面奏。五月，具摺以襄郿城垣坍塌，勸民次第捐修。制軍嘉之。時，將移節兩廣，瀕行，爲專摺具奏。六月十九日，奉上諭：江西督糧道員缺，着周凱補授。欽此。十九、二十日，奉上諭：周凱着調補漢黃德道。所遣江西糧道員缺，着劉重麟對調。欽此。八月初二日，卸襄陽府事，印交署守繼春帆司馬德，以捐脩城工事未竣，留襄督辦，將東北二面完工。九月十三日移交。二十八日開舟。十月十六日，在郿接黃德道印。三十日，到黃州署。十二日、十九日集詩人祀東坡先生於赤壁。著有襄陽必告錄。

七年，丁亥。年四十九。冊年四十六。正月，奉檄簽漕至九江，挈王香雪明經乃斌同行。詩有春舟集。四月，奉檄至京山縣王家勘隄，凡四至。著有勘隄紀程及疏濬漢水內外二河故道議。六月十九日，爲太恭人八十壽辰，四方紳士，以詩爲祝者四千餘首。襄陽士民麇至。太恭人甚歡。八月，聞有星使來楚勘隄。時，太恭人感暑疾。余欲陳情乞養。太恭人曰：民方在飢溺中，豈汝家食！不允。大吏飛檄相催促，復至京山。十月初九日，回黃州。二十二日，太恭人棄養。

八年，戊子。年五十。冊年四十七。正月十二日，扶襯登舟，路費不支，士子走送百餘里，歛金爲賻，始得成行。二月初七日，抵杭州，遵例穿城。十五日，至富陽，停櫬北城別墅。冬十二月，至姑蘇，假金覓葬。

九年，己丑。年五十一。冊年四十八。二月，陳香榘刺史培邀至姑蘇。二月，與徐問蘧、王香雪遊穹窿。四月初八日，葬太恭人於新城之令箭山。移寓高氏懷荆堂。十一月二十四日，送孀母方太孺人之四明三弟恆府學署。觀阿育王廟舍利。

十年，庚寅。年五十二。冊年四十九。正月二十二日，服闋。二月初八日，啓程北上，繞道萃縣，訪鄒鏡樵志春；至邢臺，訪高辛才、應元二人。天津，謁李竹醉師。四月二十二日，抵都，寓鐵廠李子喬婿宅。六月十九日，奉旨授福建興泉永道。次日，請訓。七月初九日，領憑。二十三日，出都，由通州乘舟南下，攜次女同行。復至天津。九月十五日，回籍。十月初一日，自富陽赴閩。二十六日，抵省。十一月初五日，赴任。十二日，至廈門。十四日，接印。十二月初七日，兒玉才完婚。

十一年，辛卯。年五十三。冊年五十。仲春，爲海風所吹，臥病月餘。四月初，至泉州，鞠謝訓導家盜案，返繪「武當紀遊」二十四圖以自怡。

十二年，壬辰。年五十四。冊年五十一。正月，赴省。初七日，至漁溪，奉檄赴澎湖撫卹風災。二月十八日，抵澎湖。三月十二日，回廈門，著有「澎海紀行詩」二卷。

夏，漳泉荒，發義倉以賑。江浙亦大荒。閏九月，臺灣嘉義縣匪徒陳汴、黃番婆等戕府縣官吏作亂。十月初八日，報至。時方輯夏、金二島志，羽書旁午，遂廢。十一月三十日，馬提軍平之。十二月初十日，捷音至。臬司鳳丹崖來駐廈門，制府程亦駐節焉。

十三年，癸巳。年五十五。冊年五十二。正月，接林少穆中丞書，鈔錄各省保舉名單，知去秋閏九月魏中丞麗泉先生列入剡章，同保者臺灣道平慶、福州府戴嘉穀、海防廳黃宅中。夏，海中盜賊竊發。時，臺灣餘孽未靖，制軍程公祖洛與欽差將軍湖公松額，搜捕辦理善後事宜。海賊日有洶洶之勢。密稟制府，許便宜行事。五月，會同金門總兵寶鎮軍振彪、水師中營楊叅將俊傑、同安營叅將雙喜，統帶水陸兵丁，搜捕沿海潘塗杏、林柏頭諸賊。焚其巢穴，獲賊多名。海洋稍靖。六月，奉程制軍調署臺灣道事。七月七日，任事。十月二十日，卸事。在任百有餘日，搜獲餘匪，斬梟凌遲者八十餘人。中間小亂三，俱卽撲滅。十月初，錢價一日頓長三倍。四遠居民，紛紛搬移入城。謠言蜂起，不知所自。十九日，獲賊探林振，交沈同如汝瀚研審於內署，一面張筵，鎮、府、廳、縣皆集。夜半，得供，知城中已暗藏數百人，約於二十二日舉事。賊於衣領袖口繒線分五色，各以其色爲緣飾。連夜閉城大索，得賊五十餘人。張鎮軍琴，次早帶兵撲礁吧咩年賊巢，獲首犯許懋成，事平。因台道劉次白七兄鴻翔初到，爲留一月。此案辦畢，乃西渡，復阻風於鹿仔港之番仔窠。時，妾文氏子壤從。十二月初一日抵廈門，初

四日任興泉永道事，卽赴省面陳事宜，年終乃返。上臺地應行興革事宜十條。

十四年，甲午。年五十六。冊年五十三。五月，奉檄會同寶鎮軍搜捕晉江之蓮埭、塔窟、白崎諸賊巢，行至南安大盈驛，聞朴兜鄉呂姓恃其族大，多爲賊盜，時刻安海地方多案，卽稟明大府，會寶鎮軍、馬提軍水陸之兵，親往圍之，焚其巢穴，搜獲巨盜呂石等八十餘名。審定後，稟請解回本地正法者七名。安海之民悅之，爲建生祠焉。是時，并誘獲大訟概李惠元一名。復至蓮埭諸鄉，焚其巢，渡海至大墜山之曾營鄉，並搜獲通夷販賣鴉片土之奸匪多名。年終制軍考語：有「通權達變、體用兼優、實爲海疆不可少之員」之譽。

十五年，乙未。年五十七。冊年五十四。以廈鎮義倉存穀無多，向有義倉田在湖蓮保之林後鄉，憑臨海岸，藉石隄爲固，向爲潮汐所潑，隄崩，附近大姓又竊石去，薛姓不能爭，遂貧。義倉租亦無入。去冬，有薛豹率其族人願獻田義倉，請築隄，遂親往履勘，估計價薛姓田值，築石隄土二道。正月興工，六月石隄成。閏六月，土隄成。分畝丈量，計戶授佃，共得田六百三十餘畝，入租穀八百二十餘石，錢一百五十餘千，計用工費八千餘兩。又於林後鄉築租館，親定章程焉。廈島之玉屏書院，久圯，爲新之。倡各捐各脩法。士紳踴躍。三月而成。稟請大憲，延光澤高雨農舍人澍然主講，皆撰有碑記。是歲，錢塘項芝生廷綬爲同安令，力除械鬪積弊，頗相得。九月，爲灌口之行以助

之。十二月二十五日，淑人羅氏卒於署，蒙督撫大計卓異列一等。練達精明，勇於任事，敢作敢爲。著「治漳泉械鬪議」。

十六年，丙申。年五十八。歲冊年五十五。時，余方於公餘之暇，治古文。雨農五月始至，攜其夫人及弟子高炳坤偕來。於是島上弟子，能古文者，呂孝廉世宜、西村莊中正、誠甫、林焜熾、巽夫、林鶚騰、薦秋及好學之士，皆居於書院。游讌皆有所作，爲諸生評削制藝，絕去時徑，俾人眞理，一時稱極盛焉。而余之古文，亦深受切磋。蓋雨農博學高尚，富著作，傳朱梅崖先生之學者也。八月三日，遣長子挺歸葬羅淑人之喪於富陽，扶輓至半途而病，以次子壤易之。擇於十月十四日安葬於大塘塢，經營初畢，奉署制府魏公元娘之檄，調署臺灣道，以便劉次白速赴陝西臬司之任。時，程制軍丁父憂，病未歸也。八月二十日，卸興泉永道事。二十六日，東渡。雨農亦辭歸，相對泫然。弟子皆泣下，深歎古文之學不行也。幕友侯西台文英，從事六年，亦辭歸，屬余畫。弟子黃荆山璞，繪漁溪題壁、橋園寄興、榕林秋眺、快園詩餞、澎湖賑災、雲頂奇觀、官閣脩書、廈門籌警、蠻鄉捕盜、臺海揚帆、義田築埭、玉屏□讌，爲閩南紀勝十二圖見貽，皆紀余事也。偕行者，錢古坤堃、丁臬仙鶴年、黃荆山璞、姚芬圃、華晴閣、張晴江、妾王氏、子挺夫婦、姪孫大文、甥王子和。九月初一日抵臺。初三日任事。九月初四日進署，值臺、鳳、嘉三邑夏秋缺雨，米價翔貴，匪徒造謠搶奪。十月初，鳳山獲王新來等

多犯，稍平。十月十八日，嘉義匪徒沈知等焚搶下加冬糧館，戕殺汎弁兵丁，遂豎旗謀逆，與鎮軍達洪阿剿平之。響應之賊，北路有埔林之陳燕、南路有崗山之吳幅，各糾衆起事，亦同時撲滅，獲犯斬梟凌遲二百八十餘犯。十二月初二日奏結。十九日奉上諭：魏元烺奏揀調要缺道員一摺，福建臺灣道准其以周凱調補，所遣興泉永道員缺着周日炳補授，欽此。當卽具摺謝恩。

# 皇清誥授通議大夫、加按察使銜、福建臺灣道周公

## 墓誌銘

吳德旋仲倫

公姓周氏，諱凱，字仲禮，一字芸臯，浙江富陽縣人。祖諱豐，考諱濂，祖妣李氏，妣楊氏，兩世皆以公貴，封贈如其官。公生有異稟，善屬文，膽識略。

嘉慶十六年辛未成進士，改庶吉士，散館，授編修。

二十年乙亥，丁外艱。

二十二年戊寅，服闋，供職翰林。

道光二年壬午，以京察授湖北襄陽府知府。

六年丙戌，遷江西督糧道，未上事，遷湖北漢黃德道。

七年丁亥，丁內艱。

十年庚寅，服闋，授福建興泉永道。

十三年癸巳，權臺灣道。

十六年丙申，遷臺灣道。

十七年丁酉，七月三十日，以疾卒於官。年五十有九。公自編修，出守襄陽，及爲